



扶輪新集第五卷目錄

七古一

劉正宗

介坦公

從田行

冬至後一日

夜召紀事

避馬行

避車行

鳴鏑行

枯魚過河泣

胡世安

神農氏豐年詠

木客吟

上陵

晏池淤

澧州縱舟至

上觀舖

五懷歌

又

李 燾

投河歎

苦寒行

又

初伏觀洗象行

哀流民

蘇所蘊 鳥生八九子 丁野鶴以畫馬卷索題率應

從狩行

方拱乾 謝潘仙客貽砂茶注

贈文吉先

謝顧松交贈陳章侯畫

雪中烹去年

所貯雪 憲石方鼎歌

賀胡菊潭新

參 耳聞洗象行

黃道周 渡胥江義兆水上送至嚴灘 賦得陰崖結

草屋 觀徐霞客紀遊急就草

朱之俊 祝將軍破賊歌

程嘉燧 空齋行 相逢長干行 送宋比玉歌

走筆別比玉

張縉彥 民夫謠 過蒙山得茶 泊龍游

開荒行 劉相國石屏行

吳偉業 雁門尚書行 題洗象圖 銀泉山

王郎曲 田家鐵獅歌 蕭史青門曲

海戶曲 送龔孝升出使廣東

戴明說 喂馬行 老將行 城頭行

送陰太峰 楊叟行 有所思

龔鼎孳 春夕行 壽白母長歌 挽船行

歲暮行 萬安夜泊歌 刺舟行

嶺南喜晤曹秋嶽方伯

王崇簡 送章道存 送王貞明歸 異井行

梁清標 落日行

魏裔介 贈趙香雪 雲龍吟 哀流民

傅維麟 古窰行 來謹

劉 達 五月十三日自宜還京夜坐見星變

董國祥 畿南有以雄雞予民而課其卵者作課卵謔

宋之繩 野田行

楊思聖 送彭燕又 雪樵子行 周藩故官行

魏象樞 循吏歌與張開有

盧世澹 為唐西亭題卷

張文光 吳門友人招飲聽嘉定陸子曲

裴希度 土門懷古 金山行

范士楫 邯鄲行 題函 譚公鼎令大

竹二年未任艱歸補粵西之懷遠贈詩

黃 澍 隴西行

許 宸 商州行 賦俘何行 張我尚凌險

過存荒署無可款承聊拈蕪句贈別

趙進美 拔劍行贈王子 芻豆行

徐 波 悼白叔胡山人

趙賓 王山長畫石歌

送魏環溪

朱裴 禱河伯

李焮 擬休洗紅 古鼎行

聶源 送魏環溪病後入都

馮世鞏 錢塘驛聞閩省圍解

許纘曾 金陵行

扶輪新集第五卷目錄終

扶輪新集第五卷

錫山 黃傳祖心甫 全選

陸朝瑛石齋

七古一

劉正宗 廣集

○介坦公

去年九月余西征把袂引觴當此日今年九月余東歸猶及樽前共捫蝨或問詩何等為佳余曰有着落此今余衰十載嘆白頭空羨君家髮如漆丹汞秘訣別有師西來三昧兼入室酒後耳熱散奇情壘塊每從十指出老夫蓄眼

識偉人欽崎歷落鮮其匹。八紘恢網起鳳麟。豈向清時憶
衡泌。燕臺突兀貯黃金。底柱墮波無蕩瀾。籬黃霜冷月流
光。矯首西風聽鳳策。以候起。以候
終。掩映自然。

○從田行

上林三月草如茵。馬埒初開毳幕新。已動鈎陳嚴鼓角。復
傳巽命召儒臣。儒臣結束隨雕輦。駮駟奔騰翠華轉。揚鞭
直上。百仞岡。俯瞰熊羆盡精選。角聲震地人聲絕。鐵騎東
西紛成列。但驚馳驟疾於風。晴天忽散陰山雪。筆亦
飄忽。天
顏有喜笑語多。指顧虞人雲日和。彎弧一發欲五犯。兼載
寧誇掣駱駝。令節歡娛戒不極。從禽豈必獲萬億。禮成飲

至景未盱大官厭。飫黼展側由來。睿慮邁千秋。耀德仍
存春日蒐。鼉鼓龍旂擁道周。干城腹心公與侯。忠愛即
寓頌中。自
古無敵歸不殺。長將簪筆紀宸遊。

○冬至後一日夜召紀事

陽回冬夜漏聲長。星拱離宮夜未央。中使傳宣弛禁籟。雙
龍紫焰照奎章。至尊匡坐倚御床。坐擁百軸喜琳琅。先
披御墨動魂魄。墨光隱躍細練白。南宮雲林何足云。又追
馬遠布奇格。天縱由來邁等倫。寒林遠岫覆泉石。微臣進
御携所有。恭承品隲拂玩久。旋開內府舊收藏。歷指從來
號名手。立辨真贋與媠妍。畫苑於今啓二酉。君明臣良。餘
開消遣。太平

古無雨。兼憐衰朽兩眸昏。手賜玻璃助翻捫。咫尺御榻羅
 巖巒。飛潛動植生意存。匠心千載有誰識。一經指點洞本
 源。仰窺。睿慮更淵深。圖書至理盡堪尋。聲色狗馬疲馳
 逐。寧如懷抱觀古今。應知玩物匪喪志。寄興不殊南薰琴
 得此一。番洗發前。微臣遭遇胡多幸。拜賜御繪皆異境。歸
 幅更奕奕生動。來喜氣滿直廬。萬象森羅衆籟靜。

○避馬行

天馬來古為瑞。以眎今不足。貴千匹。萬匹色如雲。權奇滅
 沒汗血羣。天厩牧圉仗鞭筆。朝朝驅出閭闔門。閭闔門外
 輦道旁。泉潔水清秋草長。奔騰齧齧初隕霜。從容顧步疑

龍翔北去。天山數千里。矯首朔風嘶。未已不假羈勒渡。桑
 乾願効驅馳靖邊鄙。以上句句贊獨有老翁怕趨走。驚塵
 撲面竚立久。但願四海戢戈鋌。一朝仍放華山前。

○避車行

長安冬日擁新寒。正陽橋邊車似攢。輻轉輪飛絡繹來。撞
 擊聲動五雲端。道旁行人空躑躅。喧闐不覺輦路寬。老夫
 趨直攬敝裘。侵晨逐隊立橋頭。飽看牧豎駕青牯。眼前急
 景任去留。雖無關係。人却不肯拈出。金門迢遞一何賒。到時曉日上塔
 斜。仍苦蹒跚三嘆息。昨朝避馬今避車。

○鳴鏑行紀事也

聞闔門外回中路。翠華過後鳴鏑度。紫駟蹀躞炫諸于。往來彳亍行人步。堅冰可駕河有梁。咫尺通達煩驚顧。君不見太行策勲大。蘭摧投戈奮背分。迷悟男兒敢決貴。乘時難言富貴草頭路。終南捷徑古未工。何不翻然更厥故。策在此。愾息在彼。筆情搖漾不定。

○○枯魚過河泣

龍為魚不免射。况魚質避焉。適願慎出入。亦中策。魴鯉得書空。跼踏古有挾術醢龍人。何怪波中天地窄。八句三轉。氣仍寬拓。

胡世安 廣集

○神農氏豐年詠

夏侯玄辨樂論神農教。民食穀有豐年之詠。

粒食厥艱。怒調饑。耒耜時舉。家國肥。字藏萬鈞。古逸俛首。

○木客吟

吳越春秋。吳王好起宮室。越勾踐選名山。神材而獻之。使木工三千餘人。入山伐木。皆有怨望之心。而歌木客。梗柎杞梓。會稽岑。胙土有夏茂。至今和濡雨露。表遙簪求材。殘木罕斧尋。君王俛首稱臣妾。青青不改柯。與葉。援歛悲吟。禽舌喋。林光慘澹。愕應接。輪奐侈觀。自始蘇。三字。榮。怨極。楯栳棟未越。須童山疲役。效遠輸班。翕擺指日月。徂木客。木客將焉如。

○上陵

上松陵雲鬢鬚翼風輪周海岱方帝以味供蟲長以類從
 元儀以氣應音律以候通卉食匪蠶露飲匪蟬不日不月
 知何鵠晷與蚌年東家之右西家左世態龍蛇無一可笑
 凌滄洲習祛口珠儒自甘埋堀堀不能埋振衣天可階

○晏池淤

喚畝錮鑑臨北閣遺界小存非舊區夏淋乍集淪漣後想
 得喧闐競邑醜荷沼東隔烟闌徑稻陌西連入沮洳桑塵
 溟渤不能保何況盈盈蝦鯉居焉知百千餘年下不復汪
 洋滙某湖

○澧州縱舟至上觀舖放歌

珮浦鳴榔截急流迎峰翠揖別峰悠小港投罾一葉浮去
 樵來犢不驚鷗雨荒官道遂尋幽坐擁江山汗漫遊沙岸
 漲痕明曲盤僕夫商徑擬辭舟問津田叟亦諳不唯否難
 憑雜野鷗輿穿林莽路如蚰上披荆棘下防溝鄴注稍闕加諧暢
 無人境俯梯磔俄望飛薨露斜丘回看森柏赤英勾已是
 輪蹄十里修畢聞厲揭有餘憂鹿瞳何緣陟鳳洲

○五懷歌 有序

斗室彌煇冰槃時御竟無能勝驕陽虐燄偶思家園間
 適隨寓清涼既絆浮名夢綠亦減此五地者疇昔寄踪
 神遊非邈一經舉似恍風回蒲筴珠握招涼也

我所懷兮鳳山廬。森森古栢攬浮屠。三峨前疊卜晴雨。二水要趨混藻魚。左峙龜鱗偕龍首。參差靈窟隱樵漁。巖閣禪林接蒼翠。呬唔清籟到庭除。當境易忘。緬想森靡。問奇此外全無客。寡過繇來賴有書。人烟四塞寒梧竹。鐘鼓晨昏督菑畬。樂服官空蠹廩。庖給螢疑燕。詫草玄居。嗚呼我歌兮歌意悠。介壽兕觥託夢遊。

○又

我所懷兮三嵎漲。沐日浴月不盈量。巖觀乍幻廣陵濤。潮頭小角錢塘壯。岸檉鋪委雜荇藻。鷄懶闖魚爭下上。浮查天矯共龍尊。嶼宇微嵐入蓬閤。岩麓荷香通芸案。鋤雲芝

蕈來僧貺。駛流信宿。水平橋村。朋載酒邀。同暢漁舟。活火待網鮮。日莫分攜。等湍浪。玄真子詞所未悉。嗚呼我歌兮歌趣冲。任他鳴雨與呼風。

李霽 廣集

○投河歎 小序

哀流民也。甲午春大饑。民多南徙。夫婦襁子女。至滹沱。欲濟無資。舟子難之。遂舉室赴河死。魏石生給諫哀而賦詩。余讀其詞。有同悲焉。遂有此作。

彼嗷嗷者鴻兮。我生不辰。弗爾獲同。今鴻有羽。東西南北。翔兮我饑無力。匍匐難行兮。一解。隰有萋楚。羨草木。匪鵲匪鳥。匪鱸匪鮪。羨魚鳥。古

先○之○矣○
 哀○我○凶○年○我○廬○已○捐○我○田○已○圈○我○突○無○烟○我○婦○子○斯○
 遷○二○解○洵○乎○其○流○滄○沱○之○水○兮○予○乎○其○遊○流○離○之○子○兮○招○招○
 舟○子○艤○船○近○岸○兮○我○囊○無○資○不○濟○以○看○兮○仰○天○長○號○淚○不○
 可○以○斷○兮○三○解○滄○沱○之○水○流○漸○漸○兮○安○得○鱗○鬣○飛○渡○無○淹○兮○
 嗟○我○骨○肉○於○斯○殲○兮○踴○如○見○浴○浮○且○淺○兮○瘦○腹○枯○腸○蛟○鼉○
 所○嫌○兮○四○解○慈○腸○咄○舟○子○兮○胡○不○仁○競○刀○錐○兮○怒○人○神○
 舟○子○笑○曰○彼○峩○冠○而○高○坐○者○夫○寧○匪○人○咄○舟○子○兮○何○足○嘖○
 五○解○窮○流○鏡○源○令○自○維○聖○朝○兮○恩○如○天○發○棠○移○粟○民○命○
 知○懺○悔○亦○以○筆○墨○說○法○
 延○卮○無○當○兮○膏○則○速○遭○死○者○已○矣○兮○不○可○復○起○嗟○嗟○官○吏○
 兮○念○爾○孫○子○六○解

○苦寒行

燕○山○一○夜○雪○後○風○重○衾○裹○足○如○水○中○日○車○感○縮○藏○曉○紅○人○
 履○河○腹○聲○冲○冲○椎○擊○綆○挽○撼○鮫○宮○

○又

蓬○門○婦○子○燎○茅○炬○粗○糲○炊○煙○僵○不○舉○嗟○予○苦○寒○差○勝○汝○更○
 聞○橋○下○雙○鶴○語○堯○年○之○寒○未○應○許○短節嗟哦 少陵遺響

○初伏觀洗象行

長○安○好○事○三○四○人○偕○我○城○河○觀○洗○象○金○火○交○爭○當○此○辰○烟○
 開○清○抱○涼○風○蕩○傾○城○兒○女○叢○摩○肩○曲○岸○青○茸○地○閒○敞○龐○形○
 紆○步○來○何○遲○錦○衣○花○毵○謹○廝○養○象○奴○控○縱○樂○隨○手○羸○跣○盤○

據馴所往四體頑笨運以鼻屈伸掉撥役如掌皴皮出沒
蒼山頽鉅齒掀挈白波仰下蹈泉窟潛龍驚高漱飛流迅
雷響渾脫跳盪可此物初從南徼至日陪羽衛光儀仗闢
雞舞馬蹟已非僊遊一闕空遺想瑤光降精或虛傳俯貪
芻豢悲羈鞅君不見焚身之愚自古嗟回首簪裾意恻怛

○哀流民

哀流民厥聲苦物情皆懷安胡為輕去爾鄉土哀流民南
去紛如蝗三年苦旱二年苦水輕車就食古有然誰其裹
足為餒鬼病毋饑雛男肩婦背敝簣折鏹亦煩負戴適彼
樂郊阡陌鬱膻膻一聞流民來十室九閉戶主人隔戶叱

聲怒頓首再致詞無他但苦饑君不聞翳桑之夫能報德
今寧無之主人聞語閉目搥手指爾言固大有理不見市
壁官司文嚴如秋霜僕區沉命奉行伊始稍或不戒余將
復為爾流民語塞含淚不敢噴纒有林木沒有河津一死
固其分安忍以身禍他人投河歎為一事此篇不為
一事含吐之間各有分別為語
流人爾胡不緩死須臾制府入告恫如切膚天子仁聖
朝有訂謨會待廷議定將為爾圖會待廷議定行及春和
爾不能忍餓待恩澤亦云太愚哀流民雙淚枯

薛所蘊 廣集

○烏生八九子

鳥生八九子。端坐秦氏樹。金門諸貴游。挾彈左右顧。洵工
 睢陽疆。蘇合亦可珍。輕向鳥一擲。豈不傷爾仁。惜鳥不若
 上林之鸞。爭占最高枝。亦不若攫肉之鷓。得意鳴通達。正品
 在含哺。孔子庭樹間。嗚嗚啞啞無權顏。胡爲彈射如等閒。
 惜爾鳥亦自取。一轉消多 少怨尤渴飲寒泉。饑食黍稌。南山喬木
 密成林。何不歸栖松澗陰。

○丁野鶴以家藏畫馬卷索題走筆卒應

丁生雅負支遁癖。心賞神駿末由獲。家藏古人畫龍媒。行
 筇常携深愛惜。展閱疑是渥洼種。虎胸鳥自鬣森踈。五花
 色相迥出塵。燦燦文章備一身。不讓明皇照夜白。郭氏花

虬何足珍。天閑無數驕皇集。三品食料仗前立。金絡玉鞵
 照龍樓。此馬獨向櫪邊泣。苜蓿飽後飲寒泉。奚奴騎出嘶
 野烟。皮條羈勒布障泥。却羨駑駘背錦韉。代爲不平耳。名
 權奇滅沒應難識。不遇伯樂空太息。

○從狩行 并序

丁酉十月之十有四日。舉冬狩禮于南苑。命文官三品
 以上。同翰林科道扈從。各官味爽趨候于晾鷹臺。上
 合長圍。至白離宮。結陣較射。軍容甚盛。謬爲長句恭紀
 其概。

孟冬南苑衆草枯。載修狩禮合三驅。羽林貔貅如雲集。召

視百官味爽趨百官。鵠立瞭鷹臺。遙見旌旗動地來。長圍
 兩翼三十里。狐兔縱橫亂飛埃。左右奔逃絕去路。至尊
 矢發無虛度。駭鹿驚麋不當御。韓盧走逐恣攫茹。一時換
 騎三龍駒。揮鞭似聞風雨呼。須臾吹角臺之麓。鐵騎橫馳
 電爭速。縱錚響答耳。乍驚疑是潮聲出海澳。形容震疊與安丘競爽一
時瑜亮。決拾比次矢如戟。號猿貫蝨動心魄。金盞熒熒日晶
 黃銀甲。皚皚雪片白。由來兵家只貴精。况兼居重多雄英。
 文德既洽武功成。王者無戰但有征。

方拱乾 續集

○謝潘仙客貽砂茶注兩執一為時大彬製一為徐山

○泉製

故人投贈雙砂壺。方者時製圓者徐。大彬得名幾十載。徐
 生也。晚實其徒。分疏不肯模糊。今日廣陵散。博古圖成畫細字。朦騰市

眼渾無異。摩娑衫袖出靈光。五金十金稱好事。微探亦復

含精義。匏汗彝鼎差形類。古人一技通神明。上本乎道下

本器。昔年曾過張公洞。土痕石溜森然動。村童遙指官窰

煙青絲。一縷成竒供長安。風塵高酒肉。穉穉尊金玉。

誰問旗槍竹火爐。龍鍾捩柄如枯木。莊點氣色現。丈六千莖草。人生性

情視所寄。石巖屐癖爭言累。茗柯至理向誰尋。幽窗別自

紆天地。馬上松蘿到未遲。開餅政值綠陰時。把壺傾椀醉

君德瓊玖瓊瑤寧過斯。

○贈文吉先

嗚呼秦籀漢篆不可問。隆萬年間推何震。厥有師承曰文彭。龍蛇刀走青田印。白門老人亦姓文。云自吳門枝葉分。刀法應傳家法好。金石鐘鼎爭紛紜。此道非今亦非古。變化之中寓規矩。既嫌學步泥虫魚。復苦鈎玄迷帝虎。可序從來印少年曾遇洪慶年。攀彭提震神翛然。白首逢君未恨晚。栩栩如游羲頡前。

○謝顧松交贈陳章侯畫片

畫家近代誰高手。時論齊推陳洪綬。疎狂寫神不寫貌。寫

山險怪寫人醜。一筆爭傳數十金。捉刀燕石吳兒走。顧子曾經贈兩幅。蕭齋素壁如披玉。有客大言辨贗真。點綴瑕疵及林木。顧子當年令山陰。琴堂延客寫蕭森。綬也雖狂終子民。眼見筆墨長侵尋。聞言不覺顏色變。傾囊云有八幅絹。嶽崎爛熳邁等倫。此是陳生真生面。前畫不贗茲畫奇。願言脫贈贖前非。前後畫微露參差下老夫再拜魂驚悸。攫人所好前賢譏。欲受不敢辭。不忍精光直透花文錦。但披一幅堪叫絕。次第追尋神廩廩。米顛片石似枯松。顛在袍笏難形容。長鬚老僕無齒婢。似有音聲隨阿翁。虎溪兀兀圖三咲。遠公短悍威儀妙。淵明瞑目醉於泥。白蓮社

裏頭應掉其餘筆筆做唐人月下琵琶花下茵更兩小兒
 弄傀儡粉本知從蘇漢臣仲子少小稱畫癖顧子同名同
 宰邑久窺秘篋口垂涎屬耳私言等拱壁又為真本道染
 非花非霧記昔西湖遇此君落拓杯盤隨水雲自言鈎畫
 世外筆法不師古師古以意不以文從來書畫成重貺扣舷索看紛
 情狀知子肝腸如畫真豁眸鼓掌欣相嚮坐客窺簾不敢
 前賤却吳門百萬錢一草一木猶矜貴誰令滿壁懸蒼烟
 顧子愛畫復愛老畫中鬚髮爭潦倒在予何異在君筍同
 情同目還同寶秋堂靜對思悠悠置身丘壑古人儔感君
 不獨因茲畫咲問千秋幾虎頭

○雪中烹去年所貯雪

雪中泉竭須烹雪春雪難爭冬雪潔開瓶猶是去年封過
 臘迎賜果甘冽瓦鐺簡點旗槍希又是江南穀雨時物性
 移時倍矜貴蟹眼騰騰雀舌奇衰年萬事甘苟且品泉偏
 不隨高下添錢貴買御河流惠山罈向江船瀉略一拓開
 春雪易消還易盈床頭急為掃空罌遙計朱明炎暘際一
 泓清注玉壺冰

○憲石方鼎歌

同菊潭咏

我聞成周受命鼎歷運將及三千年流傳尚在宇宙間今
 之入眼毋乃是何其實光精氣洞賦可望而不可攀土花

心刻龍字清燈鬼物疑奔突槐陰入几連身綠似有玄冕
赤鳥立其旁寒冰六月肌生粟吁嗟乎法物惟時爾惟質
耳食空言古時日譬如軒皇騎龍始稱仙帶索皤皤終蓬
華諸世之論入賞鑒飲河漢正復精刻直刺中肩如此廟廊之具天地尊凌風攫
雨水火存世間鑄占賤如土蒼江龍伯徒闖喧鼎乎鼎乎
何壯哉我公攜爾從東來德州清醞爲爾開急石適假還携有羅侍御
酒井研新參胡菊潭注秦司馬原礪岳注我公及我同白鬚吁嗟乎
四人合算踰年二百五堪同此鼎論今古

○賀胡菊潭年兄新參

井研相國六表六三十年前同尺幅先朝已卯貯金甌
今上三番勞夢卜四句括盡生平有破竹勢尋常相見說歸休今年神
玉骨彌道乞身表凡數易稿郊廟典禮重綢繆京宵共坐
安丘席寅清使者排門入天書傍晚到銓堂爰立三人公
第一公才繡虎養木鷄詔下都人僉曰宜黃耳從來黃髮
重相公雖老未爲遲天子曦光昌百彙先從政本調元

氣風后力牧奏平成醇醪舉世消蟾沸憶昔追隨吉士署
幾回瘦馬花磚度雲搖雨散記何年虞淵日向桑榆曙宕
四句勢去年文酒戊辰盛七人四去三人剩攀楊適與宣
方攝麻逢是日適餞原礪岳注暮氣頽頽一朝振同心少傅還自東謀斷

規隨成大功。似我衰病合歸老。羸牛跛足嘶長風。知公買宅在白下。爲公先闢鷄豚社。領取十年宰相歸。把臂相携娛綠野。

○耳聞洗象行

老夢人聲驚日上。展齒天街看浴象。今朝初復歷朝規。金吾隔夜傳呼仗。浴散人歸日正午。耳聽傳說如親覩。象奴指搗等教師。排門點數二十五。初浴臨溪意跌宕。左指右撇凌紅浪。浴酣蹄尾恣奔掀。風檣上下驚濤壯。浴罷飛泉噴路人。以鼻代口白於銀。褰帷士女垂帷避。韎韐衣迷繡轂茵。婉切奕映。似過躬承。此時東南正用武。此物滇黔稱故土。蠻獠

猩猩藉爲雄。隳城破壘力如虎。目今縲索犬豕馴。始信皇威摧若神。上林正奏騶虞曲。海若應多向化臣。一象所職惟朝請。歲支食料同三品。寒則披氈暑則泉。惟時饑飽官家廩。只此一浴勞在公。賜醪擊鼓鳳城東。但願普天群生同此象。沐浴恩波太液中。收束莊嚴。不遠不近。

黃道周

幼玄石齋漳浦人

○予既渡胥江何羨兆曹木上送至嚴灘

烏龍山空溪水碧。桐廬江寒隱蒼石。溪翁岐魚鳴竹柵。鷓鴣穿波出如織。崖前削壁成高臺。二分垂踵何危哉。猿猱不到古藤絕。亦有展齒銜莓苔。鳥墜魚驚風色緊。天下無

山○可○高○隱○蘿○裳○荔○帶○荷○葉○冠○白○日○文○螭○化○蚯○蚓○異采續何紛而墜

君○曹○君○來○何○從○畫○圖○翻○風○銷○澤○中○客○星○夜○寒○炙○螢○火○豈○有

威○焰○生○征○篷○與句難輕能兼之古○人○送○客○不○百○里○君○今○渡○江○又○到

此○夫○子○已○識○趙○河○津○乃○翁○不○在○吳○門○市○我○歸○作○炭○與○春○傭

眼○前○四○壁○成○孤○峰○鸞○鳳○無○聲○失○長○嘯○有○時○厭○竹○棲○危○松○從

此○辭○君○各○千○載○故○園○門○前○千○尺○海○海○中○疎○島○千○高○駝○記○得

投○竿○雙○膝○在

○賦得陰崖結草屋

北○陸○簷○長○日○影○短○雞○啼○烏○噪○恒○苦○晚○腰○鎌○補○屋○寒○茅○茨○出

門○恐○有○豺○虎○知○壁○間○漏○泉○灑○漉○濁○蝮○蛇○閒○遊○戲○青○竹○繩○床

倚○竈○午○雲○頽○床○頭○採○薪○去○不○迴○寒○蠶○入○帷○燈○火○死○摸○鎌○斫

石○石○不○理○兄事長吉青○晨○採○雪○為○朝○餐○按○書○引○火○傷○肺○肝○書○囊

欲○折○三○五○段○長○天○久○已○無○飛○雁○人○生○安○得○長○少○年○結○髮○短

于○結○茅○錢○市○門○刺○繡○展○織○指○不○識○茅○簷○為○魚○齒○穿○賊○月○下

紫○榴○裙○但○指○陰○崖○為○墓○門○為○誰○鉏○茅○再○盤○結○一○尺○茅○根○三

尺○鐵○秋○風○莫○捲○茅○屋○飛○天○下○尚○多○人○無○歸○雪○花○莫○壓○茅○屋

倒○天○下○幾○人○猶○未○老○骹髀勃涌黃○金○青○繡○瓊○威○蕤○故○蹟○久○歸○生

苔○衣○夢○中○曾○到○知○是○非

○觀徐霞客紀遊急就草崇禎庚午二月霞客携小舟

追余至丹陽感念昔日萬里造膝今復依然得陳風

諾為之道故不覺盈篇

天下駿馬騎不得風鬚雪尾走白日天下畸人癖愛山負
 錯瀉汗煮白石江陰徐君杖履雄自表五嶽之霞客鳶肩
 鶴體雙瞳青汗漫相期屢不失事親至孝猶遠遊欲乞琅
 玕解夜織萬里看余墓下棲擔囊脫屣驚烏啼入門吹燈
 但歎息五年服闕猶麻屨貴人驛騎不肯受掉頭畢願還
 扶藜自言蚤歲適鴈宕緹藤級綆適下上天台石梁平如
 堦青霞括蒼白于掌中年復走西鍾山焦飯十日支霜盤
 道逢採藥授雲餐帝子欲為歌路難巨盧老僧亦下拜雞
 足道人分沆漉磨頭豆巖石泉茶夜中日出嘯滄海海嶠
 幽踪

猿鳥為侶括出聽君言下何蕭然引人拔嶺捫青天所採

遂欲頡頏方朔幽奇既如此豈有人嶽當君憐隱躍東魯仲尼去千歲西

羌大禹死何在書生抱邾空呶唔即化喬松安足賴去年

先輩繆西谿起草授楊天下疑精神已上托烏兔未有人

識其端倪繆亦江陰人故引之何況操蛇窟穴底千山為貌隱千水

乃欲搜剔窮真靈不畏巉巖不避死世間兩物惟鼎劍燒

海剗山與涼燄筆力攀蒼汲淵出沒險怪恰與山水相敵少年學道須及時簪

紱累人孤書詩當時諸公歎鶴唳悔不從君煨蹲鴟即今

關門散百一醫巫吹角愁銅狄蒼崖黃窪不可尋邊臣灑

血迷故跡君猶跋涉從東來兩頭不突生飛灰城郭比人

更柔脆。田春史。義安在哉。男兒不仙。必良將。驅龍凌波破。
蕩漾挽河洗甲。天下清安。能對鏡坐。相向中身。潦倒為時。
人牽船引。纜傷路塵。彎弓聞虎行。逡巡寂寂。冥冥過冬春。
何不還家。酬所親。聽君罪語。當採真。跂足北窗。箕穎濱。而
必棲棲。櫻此身。

朱之俊 擢秀滄起 汾州人

○祝將軍破賊歌 崇禎庚午流賊掠汾 鋒銳甚祝大破之

西山勦兒紅抹額。蛇鋌盪決鉞洞石盤龍。驕上足妖姬。逆
氣橫吹污圓碧。官軍十里不敢前。有時自殺踏成烟。邑吏
魂銷暗齧舌。郭門晝掩希苟全。南來將軍綠眼者。箭箠離

離。搖白馬銅鼓。三點賊鋒摧黑雲。夜墮大旗下。風霆轟激 壯人魄膽
岡頭但聞打手哭。白選青鐵遺澗谷。山童野老去復還不
忘將軍人姓祝。

程嘉燧 初集

○空齋行

空齋愁雨壁四懸。囊中十日無一錢。北城貧生老好事。出
須憑輿走且顛。南隣兩脚差快健。偃僕待試同拘牽。張翁
愛酒慣索飲。經年海舶松門邊。春前南橋和歌者。半月歸
耕東林田。洞簫拍板置無用。短簷雙屐閒可憐。不循畦徑 撒手珠璣
少陵應相 視而笑 心意風流故司馬。見雪期放尋花船。今年春雪

不到地。梅開已盈東窗前。貰酒苦遊恐不樂。袖手欲歇心
茫然。獨夜展轉耿難寐。嬌兒懶慢仍穩眠。不見丘翁茅屋
朝來破。欲葺雨雪入戶寒。無烟又扯入一人條然自放。

○相逢長干行

山中故人黃玄龍。不相見八九年矣。癸卯九月。值于弘
濟寺。因識郝子荆之璧。遂日夕同遊處。相得歡甚。臨分
子荆不勝戀戀。聊貽此詩。

鄉里聞名知幾年。同來坐石寒江邊。林昏月黑不相識。踪

天明笑覓房櫳前。故人先致青銅錢。秦淮酒家頻醉眠。

短簫倚歌清且圓。張伯美善吹 枯槎落紙醜更妍。新知綽

蕭度曲注

約如飛仙。相逐布襪青行纏。南朝古寺意所便。苔荒樹老
蘿參天。側觀仰卧去復還。寫真看逼秋毫顛。瑣屑 爾時清

霜楓葉鮮。雨花木末窮攀緣。琉璃碧殿青松閒。遠近注射

丹青懸。更聞九日士女闌。玉驄翠毳珊瑚鞭。雜遝羅綺遺

簪鈿。獨穿松根漱石泉。入夜鼉鼓猶齷齪。寶塔煜煜開金

蓮。行歌互答興邈綿。一朝人事隨浮烟。郝子負笈依枯禪。

黃生欲別停鞍韉。經過酒壚重流連。碧峰野寺山門偏寒

風。開門鼯鼠旋招尋。不逢心拳拳。回經荒臺更眇然。唯見

落日橫長川。俯仰之間感慨係之 不記夜中石上不相識。

對面欲失誰為憐。何由一見日膠漆。致使未別心魂牽。各

酬綺語逐風景。鉢心剡腎爭雕鐫。中年莫使懷抱惡。老去
欲試心腸堅。兩君胸交冰葉苦不釋。臨分有贈聊相湔。

○送莆田宋比玉歌

比玉在建州符山寺客坐。見余荔枝酒歌。遙作歌見寄。
竟不達。經七年矣。適來過陳令。因相見。懽甚。比玉固多
才藝。余猶愛其宏達蕭遠。追送崑山張氏山閣。臨別漫
爲此歌。君許作。遇琴館圖見寄。同遊翁君吾鼎名鉉亦
高士也。

古人片言感知已。世上游揚徒爲爾。市肆藏名三十年。客
坐神交幾千里。詞賦小道不足論。青眼逢君翻可恥。別有

平生廓落心。肝膽憑君許。終始人言作客不稱意。君更器
然殊自喜。汪波落落浩無際。澄潭歷歷深見底。吾家四壁
生蓬蒿。紙窗竹屋寒蕭騷。興中就我貫濁醪。月下往往來
吾曹。共誇溟漲與筆力。况復悄悄嘆琴德。酒酣瞪目呼墨
汁。輕紈大障淋漓溼。蛟龍倔強怒欲飛。曳練崩雲看不及。

絕扶逢知已分外神
旺筆亦跳盪歛舞

莫言文章老更成。少時落筆人盡驚。

輟毫焚硯豈吾意。要欲同輸萬古情。蒼茫烟郊見百里。送
君醉卧寒山城。意長別促不易寫。罷琴夜靜松風聲。

詩句
長留

天地間。又
何必作圖

別後音書余懶作。煩畫幼輿置丘壑。若見王郎

好寄書慰余心跡。雙寂寞。

走筆別比玉

去年雪花大於席七絃枯桐揮霹靂今年月華白於練十尺谿藤掣雷電月下乘醉篆書大障注鼠羅灣頭喧晚鴉墊巾樓前逢早花江上我留君苦別與中君到我還家冰雪嗟峨不可楫姑蔑山寒少楓葉閨人多夢見君還遊子不眠待明發行行羈客是浮雲寂寂邢溝有殘月神行楮間不假奏泊老手允推第一

張縉彥 廣集

○民夫謠

賦與謠均奉公用其一豈勞農大軍絡繹何倥偬牽舟挑載日匆匆繩條魚貫疾如同革鞮木挺集其躬一卒之膳

百室供一遞送百里從料民已盡稅畝空將軍躍馬誇奇

功此類詩妙于詳坦翁以高簡勝更難及

○過蒙山得山茶

泰嶽高峙與天擎掩蔽羣山不可名西南忽見青藍色云是蒙山壓山城有源委此山綿亘四十里巉峰歷歷如鑿齒

石上有花大如錢清馨取配中冷水山人採茶山下來風風雨雨踏青苔採茶不道山靈喜渾樸豈為若輩開此山龐魄不善媚昏霧濛濛恒似寐古來封禪七十二何為到此無封記秦皇漢武日求仙不聞與之關神異中寓抑揚二意聞說顓臾社稷臣都邑藉之為帶襟盤石不改鎖魯門常與

尼山爲弟昆

泊龍游

廿五發船至廿九經過蘭谿泊龍游上水日行一百里歷
 盡石積與沙洲沙洲石積江流淺蕩槳無力憑牽纜大船
 用夫一十八小船一二便可輓此夫更無工食錢或派門
 頭或派田用心皆然太平可致田地門頭總官差公牒一
 下敢不前僂僂一翁筋力衰家無餘丁倩阿誰山上塊磊
 溝中泥細綆常絆老樹枝忽然微風生水面拍手呼天天
 爲轉一時布棚挂高竿船頭打水急如箭輕省纔到馬頭
 邊又與班頭湊酒錢丁夫總是班頭包一車不到聲哮咆

如此情狀予親見殊票敢令下州縣憶昔征閩大兵來舳
 艫滿江聲若雷少用千夫多萬夫清晨點卯夜半回神宮
 佛寺無空地鎖項質衣似囚繫無夫應出折夫錢有夫却
 無用夫處洞悉情弊莫遜絲忽小麥成穗大麥黃處處新畦政插秧
 田工不做江干立不如投軍赴戰場戰場骷髏尺餘高大
 軍一過長蓬蒿誰知錢塘江上水流來流去但征橈征橈
 千里商船避南至三衢北湖市有船不如投官倉打鼓插
 旗運皇糧運軍填河河道窄縱遇兵船亦敢當旁見側出
 我謂吾民勿懼怕海上銷兵在今夏昨日禁旅發長沙不
 用樓船用大馬

○開荒行

天兵百萬急匆糗興屯無效又開荒報荒須先燒塌地此
 地按籍多逃亡逃亡不報報熟壞家家履畝增空糧空糧
 上冊卽科稅携子拋妻走跟踉詩亡然後春秋作與治亂相表裏借大關係讀此益
 信我謂父老勿苦嗔朝廷爲政甚寬仁查荒原爲查侵隱
 侵隱既多反累貧父老攢眉向我言魚鱗官簿不如前竹
 簽柳柵隨人插丈量空費丈量錢昨日府牒三催下野豎
 山樵盡驚咤連年河上點河夫連年衛源駐大馬一畝雜
 派數畝多卽有熟田可奈何若得縣額照部額荒亡何妨
 盡上冊人有其心無其筆下民亦有報國心蓬蒿滿路難叫閭

○安丘劉相國石屏行

點蒼山上十九峰山頭山尾如盤龍倏忽雙飛落峭壁收
 拾群峰青黛色遠浮洱海帝鄉來晶光照耀黃金臺黃金
 臺畔蒼烟起綠蘿紫帽奔槐里逋齋窈渺古道多雙屏對
 峙漾秋水擊雷息風咫尺間不數丹丘畫壁裏當年誰驅
 五丁走運斤成風應心手左方突出雁蕩峰泉流雲湧勢
 蚴蟉右方森森淡碧空層波合沓蒲萄洶百千姿態列几
 筵少文卧遊復何有此題凌空易躐實難貼切尤老我欲携琴石下眠滿
 堂空翠生紫烟冰心雪貌真堪倚錦浪天橋氣相連咄嗟
 此石吐靈秀駕海驅山競奔奏豈知岱頂蓬蓬雲崇朝觸

石甘霖覆

吳偉業 續集

○雁門尚書行

雁門尚書行爲大司馬白谷孫公作也。公代州人。地故雁門郡。長身伉爽。才武絕人。其用秦兵也。將憑巖關爲持久。檄趣之戰。不得已始出。天淫雨。糧糗不繼。師大潰。潼關陷。獨身橫刀。衝賊陣。以歿。從騎俱散。不能得其屍。公之出也。自念必死。顧語張夫人。夫人曰。丈夫報國爾。毋憂我。西安破。率二女六妾。沉于井。揮其八歲兒以去。兒踰垣避賊。墜民舍中。有老翁者。善衣食之。二年。公長

子世瑞重趺入秦。得夫人屍。貌如生。老翁歸以弟。相扶還。見其泣下。蓋公素有德。秦人云。余門人馮訥生。公同里人。作潼關行紀其事。余曾識公于朝。因感賦此。什公死。而天下事以去。然其敗由趨戰。且大雨糧絕。此固天意。未可專責公也。實錄一字不浮。公之參佐。惟監軍道喬公。以

明經奏用。能不負公。潼關之破。同日死。名元柱。定襄人。雁門尚書受專征。登壇顧盼。三軍驚。身長八尺左右。射坐上。咄叱風雲生。家居絕塞。愛死士。一日費盡千黃金。讀書致身取將相。關西鼠子方縱橫。長安城頭揮羽扇。卧甲韜弓。不忘戰持重。能收壯士心。沉幾要待克。徒變忽傳使者。

上都來夜半星馳馬流汗覆轍寧堪似往年催軍還用松
 山箭明亡于兩戰尚書得詔初沉吟蹶起橫刀忽長嘆我
 今不死非英雄古來得失誰由算寫出椎牛誓衆向潼關
 墟落蕭條轉餉難六月炎蒸驅萬馬二嶠風雨斷千山雄
 心慷慨宵飛檄殺氣憑陵老據鞍掃箠謀成頻撫劍量沙
 力盡爲傳餐尚書戰敗追兵急退守巖關收潰卒此地乘
 高足萬全只今天險嗟何及蟻聚蜂屯已入城持矛填目
 呼狂賊戰馬嘶鳴失主歸橫尸撐拒無能識大事必待鉅
以傳互烏鳶啄肉北風寒寡鵠孤鸞不忍看願逐相公忠
爲有功義死一門恨血土花斑故園有子音書絕勾注風烟路百

盤欲走雲中穿紫塞別尋奇道訪長安長安到日添悲哽
 繭足荆榛見管井輓轡繩斷野苔生幾尺枯泉浸形影永
 夜曾歸風露清經秋不化冰霜冷二女何年駕碧鸞七姬
 無塚埋紅粉複壁藏兒定有無破巢客鳥問將雛時來作
 使千兵勢運去流離六尺孤旁人指點牽衣袂相看一慟
 真吾弟訣絕難爲老母心護持始識遺民意回首潼關廢
 壘高知公于此葵蓬蒿沙沉白骨魂應在雨洗金瘡恨未
 消渭水無情自東去殘鴉落日藍關樹青史誰人哭薜碑
 赤眉銅馬知何處落句所感者嗚呼材官鐵騎看如雲不
 降卽走徒紛紛尚書養士三十載一時同死何無人至今

唯說喬叅軍

○題崔青蚓洗象圖

嗚呼顧陸不可作。世間景物都蕭索。雲臺冠劍半無存。維摩寺壁全凋落。開元名手空想像。昭陵御馬通泉鶴。燕山崔生何好奇。書畫不肯求人知。仙靈雲氣追恍惚。宓妃雜女乘龍螭。平生得意圖洗象。興來埽筆開屏幃。赤罽如披洱海裝。白牙似立含元仗。當時駕幸承天門。鸞旗日月陳金根。鷄鳴鐘動雙闕下。巋然不動如崑崙。崔生布衣懷紙筆。道衝騶哄金吾卒。仰見天街馴象來。歸去沉吟思十日。步驟雍容。眼前突兀加摩挲。非山非屋非陂陀。昔聞阿難堂堂之陣。

騎香象。梅檀林內頻經過。我之此圖無乃是。貝多羅樹金沙河。十丈黃塵向天闕。霜天夜踏宮墻月。芻豆支來三品料。鞭梢趨就千官謁。材大寧堪世人用。徒使低頭受羈絆。京師風俗看洗象。玉河春水涓流絮。赤脚烏蠻縛雙帚。六街士女車填咽。叩鼻殷成北闕雷。怒蹄捲起西山雪。圖成懸在長安市。道傍觀者呼奇絕。性僻難供勢要求。價高一任名豪奪。題圖只四句不嫌略十餘年來人事變。碧鷄金馬驚傳箭。越人善象教象兵。扶南身毒來酣戰。惜哉崔生不復見。畫圖未得開生面。若使從軍使趙佗。蒼梧城下看如練。更作昆明象戰圖。止須一疋鵝溪絹。前皆平叙。得此一段掃宕。舉筆嗟嗟崔生

餓死長安陌。亂離荒草埋殘骨。一生心力付兵火。此卷猶
 存堪愛惜。君不見武宗供奉徐髯仙。豹房夜直從遊。咬青
 熊。蒼兕寫奇特。至尊催賜黃金錢。只今零落同雲烟。古來
 畫家致身或將相。丹青慘澹誰千年。結全推開五嶽
方寸。何時得平。

○銀泉山

銀泉山下行人稀。青楓月落魚燈微。道旁翁仲忽聞語。火
 入空墳燒寶衣。五陵小兒若狐兔。夜穴紅牆縣官捕。玉梳
 珠襦散草間。云是先朝鄭妃墓。覆雨翻雲四十年。專房共
 輦承恩。顧禮數。繇來母后殊至尊。錯把旁人怒承直。中官
 待宴迴。血累銀環不知數。豈有言辭忤大家。蛾眉薄命將

身誤

前代逸事。國史所芟。收拾續麗。

官人斜畔伯勞啼。聲聲為怨驪姬訴。

盡道昭儀殉夜臺。萬歲千秋共朝暮。官車一去不相隨。當
 時枉信南山錮。只今雲母似平生。皓齒明眸向誰妬。選侍
 陵園亦已荒。移官事蹟更茫茫。兩朝臺諫孤忠在。一月昭
 陽舊恨長。總為是非留信史。却憐恩寵異前王。路人尚說
 東西李。二李寢園亦在山下。注指點飛花入壞墻。急管繁絃。一唱三歎。

○王郎曲

王郎十五吳趨坊。覆額青絲白皙長。孝穆園亭常置酒。風
 流前輩醉人狂。同伴李生柘枝鼓。結束新翻善財舞。鏢骨
 觀音變現身。反腰貼地蓮花吐。龍門傳多附見。掀波作浪。文人故態。蓮花婀娜

娜不禁風。一斛珠傾宛轉中。此際可憐明月夜。此時脆管

出簾櫳。王郎水調歌緩緩。新鶯嘹唳。花枝煖。慣拋斜袖卸

長眉。眼看欲化愁。應懶摧藏掩。抑未分明拍數。移來發曼

聲。故是轉喉偷入破。帶人腸。帶臉波。橫十年芳草長洲綠

主人池館。惟喬木。王郎三十長安城。老大傷心。故園曲誰

知。顏色更美好。瞳神剪水清如玉。闡揚刻畫轉借歲月五

陵俠少豪華子。甘心欲為王郎死。寧失尚書期。恐見王郎

遲。寧犯金吾夜。難得王郎暇。坐中莫禁狂呼客。王郎一聲

聲頓息。移床欹坐看王郎。都似與郎不相識。往昔京師推

小宋。外戚田家舊供奉。只今重聽王郎歌。不須再把昭文

痛又附見時世工彈白翎鵲。婆羅門舞龜茲樂。梨園子弟

愛傳頭請事王郎。教絃索恥向王門作。伎兒博徒酒伴貪

歡。謔君不見康崑崙。黃幡綽承恩。白首華清閣。古來絕藝

當通都。盛名宵教優閒多。王郎王郎可奈何。珍重千萬

田家鐵獅歌

田家鐵獅屹相向。聃談蹲夷信殊狀。良工朱火初寫成。四

顧咨嗟覺神王。先朝異物徠西極。上林金鑿攀檻出。玉關

罷獻獸圈空。刻畫丹青似爭力。武安戚里起高門。欲表君

恩示子孫。鑄就銘詞鐫月日。天貽神獸守重圍。第令監奴

晴閃爍。老羆當路將人攫。不堪此子更當關。鈎爪張眸吐

齟齬。七寶香猊玉辟邪。嬉遊牽伴入侯家。圍人新進天閑
 馬。御賜仍名獅子花。假面羞胡裝雜伎。後猊突出拳毛異。
 跳擲聲聲畫鼓催。條支海上何由致。異材逸獸信超群。其
 氣無乃如將軍。將軍豈是批熊手。喚日哮呼天下聞。七寶
橫擺漾如珠走。省中忽唱田蚡死。青犢明年食龍子。蝦蟇
盤不出盤外。血灑上陽門。三十六宮土花紫。此時鐵獅絕可憐。見童牽
 挽誰能前。橐駝磨肩牛礪角。霜摧雨蝕枯藤纏。主人已去
 朱扉改。眼鼻塵沙經幾載。鎖鑰無能護北門。畫圖何處歸
 西海。梅村每述興亡盛衰。輒淋漓欲絕。文生情。情生文耶。吾聞滄州鐵獅高數丈。千
 年猛氣難凋喪。風雷夜半戲人間。柴皇戰伐英靈壯。蘆溝

城雉對西山。橋上征人竟不還。枉刻蹲獅七十二。桑乾流
 水自潺潺。秋風吹盡連雲宅。鐵鳳銅鳥飛不得。却羨如來
 有化城。香林獅象空王力。扶雀犛牛見太平。月支使者貢
 西京。并州精鐵終南冶。好鑄江山莫鑄兵。收得大。

○蕭史青門曲

蕭史青門望明月。碧鸞尾掃銀河濶。好時池臺白草荒。扶
 風邸舍黃塵沒。當年故后婕妤家。槐市無人噪晚鴉。却憶
 沁園公主第。春鶯啼殺上陽花。嗚呼先皇寡兄弟。天家貴
 主稱同氣。奉車都尉誰最賢。鞏公才地如王濟。被服依然
 儒者風。讀書妙得公卿譽。大內傾宮嫁樂安。光宗少女宜

加意正值官家從代來。王姬禮數從優異。略頓即轉。全先

是朝廷啓未央。天人寧德降劉郎。道路爭傳長公主。夫婿

豪華勢莫當。百兩車來填紫陌。千金楹送出離房。紅窗小

阮調鸚鵡。翠管繁箏。斗鳳凰。白首傳璣阿母飾。綠繡大袖

騎奴裝灼灼。天桃共穠李。兩家姊妹驕純綺。九子鸞雛鬪

玉釵。釵工百萬恣求取。屋裡薰爐滃若雲。門前鈿轂流如

水。外家肺腑數尊親。神廟榮昌主尚存。話到孝純能識面。

抱來太子輒呼名。六宮都講家人禮。四節頻加戚里恩。同

謝面脂龍德殿。共乘油壁月華門。兩王夾發。風起水湧。目無停趣。萬事榮

華有消歇。樂安一病音容沒。菟菟桃笙朝露空。温明秘器

空堂設玉房。珍玩宮中賜。遺言上獻依常制。却添駙馬不

勝情。至尊覽表為流涕。金冊珠衣進太妃。鏡奩鈿合還夫

婿。此時同產更無人。寧德來朝咲語真。憂及四方宵旰甚

自家兄妹話艱辛。明年鐵騎燒官闕。君后倉黃相訣絕。仙

人樓上看灰飛。織女橋邊聽流血。忼慨難從鞏公死。亂離

怕與劉郎別。扶携夫婦出兵間。改朔移朝至今活。粉確脂

田縣吏收糴樓。舞閣豪家奪曾見。天街羨璧人今朝。破帽

迎風雪。賣珠易米返柴門。貴王妻涼向誰說。單發客意。慘目傷心。正為

樂安幸為鞏公仰也。反照法最醒透。苦憶先皇涕淚漣。長平嬌小最堪憐。青

萍血碧他生果。紫玉魂歸異代緣。盡嘆周郎曾入選。俄驚

秦女遠登仙。青青寒食東風柳。彰義門邊冷墓田。再找八句風牆
陣馬收昨夜。西窗仍夢見。樂安小妹重歡讌。先后傳呼喚。
挽不住。捲簾貴妃咲折櫻。桃倦玉階露冷。出宮門。御溝春水流。花
片。如此轉入本。花落回頭往事非。更殘燈。地淚沾衣。休言
傳粉何平叔。莫見焚香衛少兒。何處笙歌臨大道。誰家陵
墓對斜暉。只看天上瓊樓夜。烏鵲年年他自飛。

○海戶曲 南海子周環一百六十里有海戶千人以西苑後湖名海子故此云南

大紅門前逢海戶。衣食年年守環堵。收藁腰鎌拜嗇夫。築
場貰酒從樵父。不知占籍始何年。家近龍池海眼穿。七十
二泉長不竭。御溝春暖煖自涓涓。平疇如掌催東作。水田漠

漠江南樂。駕鵝鸕鶿滿烟汀。不枉人呼飛放泊。後湖相望
築三山。兩地神州咫尺間。遂使相如誇陸海。肯教王母笑
桑田。蓬萊樓閣雲霞變。涼鷹臺上何王暇。傳說新羅玉海
青星眸。雪爪飛如練。詐馬筵開。酒香割鮮。夜飲仁虞院。
涼鷹臺元仁虞院二百年來話大都。平生有眼何曾見。頭白經過
是舊朝。春深慣鎖黃山苑。叶典守唯聞中使來。樵蕪輒假
貧民便。胸中典故傾倒而出盡作魚龍風雨芳林別館百花殘。廿四園中爛
熳看。記得尚方初薦品。東風鈴索護雕闌。葡萄滿摘傾筠
籠。蘋果新嘗捧玉盤。賜出宮中公主謝。分遺闕下侍臣餐。
一朝剪伐生荆杞。五柞長楊悵已矣。野火風吹螞蟻墳。海子

東南有螭蟻墳清玉泉一名蝦蟇泉流枯楊月落蝦蟇水入海于注荒涼景只

四語點過盡道千年苑圃非忽驚萬乘車塵起雄圖開國馬蹄

勞將相風雲劍槊高帳殿行城三十里旌旗獵獵響鳴稍

朝鮮使者奇毛進白鷹刷羽霜天勁舊跡凌敲好放鵬荒

基百尺登臨勝俊鵲重經此地飛黑河講武當年盛弔古

難忘百戰心掃空雉兔江山淨新豐野老驚心目縛落編

籬守麋鹿兵火摧殘淚滿衣昇平再覩脩茅屋繳入海衰

草今成御宿園豫遊只少千章木上林丞尉已連催洒掃

離宮補花竹人生陵谷不須哀蘆葦陂塘鴈影來君不見

鄂杜西風蕭瑟裏丹青早起濯龍臺

○送舊總憲龔孝升以上林苑監出使廣東

與君對酒庾樓月君逼干戈我離別與君籍地燕山草君

作公孤我潦倒亦知窮老應自疎識君意氣真吾徒門前

車馬多豪俊攝衣上坐容衰鬢我持半杓君一斗我吟一

篇君百首七君字四我字呢呢有情每逢高會輒盡歡把我新詩不容

口今日他鄉再送君地角天涯復何有山川有靈交有命

延津會合真難定如君共事曹侍郎百僚彈壓風裁正握

手論文海內推交游京洛聲華盛秋風吹向越王臺後先

踪跡誰能信不見蘭臺連栢府却過劍浦來珠郡相贈雖

無陸賈金相看何必問昌印請一客遂及百言詳人所略正捐入心坎丈夫豁

達開心期。悠悠世上無人知。三仕三已。摠莫問。一貴一賤。將奚爲。別君勸君休。失意碧水丹山暫遊戲。客路扁舟好著書。故園九月堪沉醉。烏柏霜紅。少婦樓。桄榔雨黑。行人騎。尚有飄零老伏生。不堪衰白。困將迎。祇因舊識當塗少。坐使新知我輩輕。花發羅浮夢。君處躑躅悲歌不能去。

戴明說 廣集

○喂馬行

鎧甲遍城潦遍野。檄文傳喂南征馬。里正中宵布裹頭。顆粒寸草逢人求。南陽處處經征戰。輪蹄一沸十三縣。有檄但足征。豆芻將軍額。外還折。夫一夫數金囊。豪好復驅市。

人。斃馬草。

折筆峭勁。

箕踞怒坐五十日。罷耕撤肆奔潦倒。市人

逃死小吏危。中夜忻然投白水。妻孥已盡茅簷燬。但避誅求死亦喜。一隅未靖骨如山。願爲厲鬼雪國恥。

○老將行

忽憶當年踏塞壁。二十君命曾三錫。長河日下燕支山。大旗半捲風浙浙。橫空雪劍奔豺狼。團風鐵騎旋霹靂。擒王寧敢多殺人。酬國相戒無輕敵。畫出老字。獵回微醉柳營寒。嘯聲山嶽平凌鑠。李廣數竒亦未侯。驂騑一淚垂。伏櫪老臂隱。忍不向弓。夢中還竄嚇。蠻檄南山之南。春雨細。鴈行數罷聞牛笛。聚米曾圖飲馬泉。槍痕箭瘢不值錢。麟閣自有

新威儀不畫功勳畫少年舌橋目瞳難下一語

○城頭行

城頭日日接郵帖。開函便是供兵牒。將軍有怒不加賊。雷霆輕用爭餉餼。刺得尖。無躲處。貔貅吮血劍為牙。芙蓉委爇團嬌。

妾官家有令不進城。將軍到處能要挾。殘黎恇怯淚不出。溝壑兒女平蹀躞。汝陽舞陽猶最苦。閉城為守官家土。汝令昨日逼死化作土。舞令躑躅長跽汗如雨。三百篇之遺。豈在句調格

律。凡言格調者皆夢也。

○忽言送芮城陰太峰掌科

忽言陰子別。百感湧微身。恍惚元化變。犬夢如昏辰。所深

壯士悔千古。失良春。積雨太陰垂。西廓積脊石齒車鄰鄰。男子事秦復事越。黃嵩古驛兒穫薪。兒女心知生自五侯族。姓名垂死不敢語。親隣挽君轍。結君巾。殷雷濺鳥。遠霧白塵聞。君有田太行。曲老牛高飯無茶辛。如此鷄犬衍衍亦太古。况復月臨姑射百靈臣。秀讀易應知鷗鷺狎。算某勿為磨麤嗔。俯仰溟渤艱。慘知已稀。僅存豈曰非鬼神。不襲越鞭。侑君粥。為君陳。鶴觴酒熟蒼內開。筠廳廳異留去。策良深。靜觀理亦勻。但使陶匏茅茨。今日存野意。免使虞風夏雨來。時常笑人。

○楊叟行

楚麻楊叟胸豁達。兩日不見即疎濶。往來不厭壺食貧。烹
 雛手自為君割。長鯨千里搖旌旄。腐儒幾箇乞粗糲。湖南
 湖北盜賊頻。唯子高舉能生活。細煮絳雪煉胡麻。卧囊白
 雲在天末。請子為我談赤壁。子談我畫臨臯石。江流半染
 雲氣起。小月沉沉沒山脊。山鳴嘯戛鵲巢危。馮夷宮闕驪
 龍迫。濃興勃率奮不可遏。何言五日水十日石。畫成自覺有詩來。造化却疑神
 工奪。江湖自古磨吟腸。悲歌誰謂殊今昔。今年二月吹邊
 笳。腰裏奔血米量沙。遊子遊子何咨嗟。澄清嵩雒早還家。

○有所思

有所思乃在天之南山之峽。春風千里青濛濛。長江曲夢

桃花夾紫簫。入鏡調飛鸞。碧絮拖衫印。團鴨縱是君心不
 可移。花開恐催春。缺乏句險。思苦。空房重襲蛟龍匣。中藏有淚
 別時筵。思君不見雨雲來。流黃一枕雷雪雪。恒常題。欸。弄警聳。

龔鼎孳 續集

○春夕行飲孫少宰北海齋中同秋嶽賦

北海先生厭朝籍。著書高卧青霞宅。有時置酒為歡娛。獨
 許吾徒共春夕。曹子乃是江海人。輦下徵書坐相迫。別來
 雄飲盡一斗。早踏春泥赴深酌。是夕六街初燈火。闐闐鼓
 聲喧雜坐。長安小兒競好事。與作太平無不可。憶昔曾經
 天寶年。五侯七貴朱樓邊。築毬走馬金作埒。御溝楊柳飛

晴烟時危補闕同臺諫。下直天街尚清宴。聯袂行游燈市頭。未覺蕭條歎羈宦。乙丙之際風物移。春城沙滿金笳吹。醉餘潦倒塞珠箔。踏歌悲樂心難知。歲月無幾。滄海改觀。尚恍惚全在一速。邇來雨散不復顧。金陵公子愁繞樹。為朱農部無外注。卽看明月正憐人。誰使吾曹更萍聚。生不願逐金張塵。遺世亦非嵇阮倫。偶然得意自杯斝。銀箏絳燭相鮮新。酒酣起舞呼海嶽。歷歷春星掛簷角。秦階漸平兵不作。花時肯惜過逢數。

○壽白毋長歌一百二十句

仲調以客歲暮春入都門時余正索東方米。閒居無事。日騎欵段見過。命酒賦詩。相得歡甚。不異竹窗夜月中。

林秋雨時也。旣以名高空冀北。益感慨發舒。以天下事相屬。而南宮之役。文益奇。謂必翺翔金馬門。輔轍大業。以鳴蘭臺石渠之盛。卽二三故人有榮施焉。乃竟以名高被放。裹書束劍。且從柳花飄泊時。出鳳城矣。余輩強之少留。自春徂秋。又無日不過從拍浮歌呼相樂也。余故疎慙。不善俯仰世態。一官浮寄。恒不忘青霞白鷺之盟。每戶外風颺起。輒作季鷹繾綣。賴仲調知我深相慰藉。且以嵇康之性。不偕流俗爲規。雖不能用。然古道炤顏。自非金石交。安能至此。故仲調之不可去。長安卽余一人。尤甚。鎖上起下。筆勢道聳。然居恒輒念太夫人溫清久違。獨

以負米累孟新。意鬱鬱不自解。秋生薊苑。遊子之夢。彌繞白雲。決筴買扁舟。別我輩。酒鑪而南。且將合諸公。卿名士之言。爲大斗。佐燕喜。燭午夜闌。偶及白門往事。余亦傷于虎者。因稍詮次。附于笙鏞。戛擊之末。蓋義在猶子。不敢以他。卮言進也。太夫人方健飯。無恙。孟新仲調。乘時以奮功名。余得歸而守菟裘。其席同心之庇。殆未有艾哉。

甲乙之際。無事無臺城。白晝嗥妖狐。丞相按劍坐交戟。緋衣赤棒。喧天衢。中有一人髯且怒。昔母趙。燒父王。甫風雷炙手。詫從龍。斧鉞行空。恣匣虎。失職藍田。怨久盈。俊厨風。

義激諸生人。倫月旦清裁。出大事春秋直筆。爭是時二白。皆年少雕隼。雲峰立。秋曉霜。翻常令狡兔愁。金眸不畏輕。繒繞希風海內盛。諸君搥鼓交騰。逐客文小人名。辱身猶在一言精悍。張吾軍。追遡甲乙前事。爲召禍根。後遂肆清流之網。以國難解。讀書早。

讀東京史。李杜齊名。差可擬。紡車玉雪。炤燈青。古今淑母成君子。輕點二句。十年奏賦。謝甘泉。敵篋同緘。寶劍篇。一夕銅

駝長荆棘。頓聞鐵馬嘶。南天草莽陳師勤。國難新亭對酒。悲風亂灑。泣登舟。動鬼神。扶危共望。清河蒜。將軍富貴。蠡吾侯。洶洶先將喬。固收豈有曹鸞能。訟黨却因劉鮪坐。同謀中宵片紙飛。司隸長者。是兄弱者。弟郭揖相憐。解綬驚

毛欽自失操兵銳淦淦寒雲貫械傍過門別毋空徬徨寸
 葱對隕飛霜涕萱草難忘愛日長又輕點此日清流遭百
 六檻車一網紛馳逐北寺空歌鳳鳥衰南冠誰念旌旄禿
 武安夜夜醉金貂耳語能寬避席驕共羨蒼頭無李善何
 期朱戶有王調電掣颺迴格天閣健兒快馬衝鈴柝赫蹏
 小字頗難詳但言誤飲姜劉藥上游旗纛捲飛檣萬甲傳
 呼起晉陽妄意人情合張角頓令赤幘勞楊匡大軍北促
 樓船渡降帆火照丹陽樹角巾無恙白先生司馬門空笳
 吹暮輦珠輿壁又江東回鵲明裝舞隊空鼉鼓散軍朝失
 勢壁門奏表夜論功郿塢臍燃膏乍冷罡風人墮仙霞嶺

魚軒象服有麗眉蕭條鼎養悽飄梗

颯然接入如魚吧泊岸尚聞風濤澎湃聲

太母含飴擁絳幃冰鯨碧笋娛春暉眼看桑海麻姑劫天
 與花駢萊子衣茅容鷄黍安林嶠捧檄還開北堂笑漢庭
 辟舉首賢良獨行何辭三府召小弟虎觀先上書英聲藉
 甚翔公車長安卿相競倒屣恨不立置承明廬楊雄文似
 翻遲薦明月瑤階掩秋扇三十六宮嘖翠蛾傾城佇冠昭
 陽殿昨日長兄書自南柴門菽水清且甘鍾阜晴雲當戶
 牖蒲團香雨滋優曇薄遊倦折宮城柳黃菊兩開正重九
 心隨征鴈過滹沱急歸爲進南陔酒正講二白魚魚雅雅換一手法若母
 吾母交義真登堂一拜猶逡巡敢云房杜忝朋好願依陶

孟稱芳鄰栖栖京雒車塵白項領磬折終何益蕙蔭離披
 自一時葡萄爛熳仍千石與酣起舞屬誰歡衛尉東西不
 耐看君知羅雀庭中事正則何心薄子蘭纔入自己近况
 洵歸與若兄連榻語信我風波久難處濺起餘波尚欲小人有母戀牽裾
 招隱况多叢桂侶君家兄弟急朱輪霄漢應須早致身他
 日起居連八座定知歡樂過千春雲門一奏黨碑倒霧霽
 甘陵日杲杲女師母範世真稀既有令名兼壽考

○挽船行

用少陵最能行韻

鴛鴦夜叫秋草死戰場鬼哭江頭水灘高風急船須上縣
 吏追呼到貧子科頭赤脚沙中語長繩短纜隨征旅峽險

猿猱驚石墮月黑豺狼愁徑阻兵船積甲如山陵千夫萬
 卒喧催徵悉索村巷閉空舍枵腹負舟那即能淺近而古
 之反失排門攤錢城苦窄朝朝暮暮還行客何時戍罷科歛
 輕饑鵠歸飛有完宅

○歲暮行

天寒鼓柝生悲風殘年白頭高浪中地經江徼飽焚掠夜
 夜防賊彎長弓荒邨月落寡婦泣山田瘦盡無耕農男逃
 女竄迫兵火十年不見旌旗空昨夜少府下急牒軍興無
 策寬蜚鴻新糧舊稅同立限入不及格書鴛庸有司纍纍
 罪貶削緡錢難鑄山為銅貼切快爽朝廷寬大重生息羣

公固合哀愚蒙，揭竿扶杖盡赤子。休兵薄歛恩須終。

○萬安夜泊歌

用少陵憶昔韻

石壁陰森埋白日，城上野蒿連十室。高灘遠吼鬼嘯呼，空
城人少虎充實。夜來三虎饑捉人，即今掉尾驕不出。行子
未黑已燈火，持挺結伴恒恐失。凄涼士卒那可仗，蒼黃老
眼暗如漆。彷彿杜得神髓在自出情景非空同以下所知沿江戍舸仍雜遝，閔勞

萬一寬軍律，縣吏催租不敢卧。鞭撻殘村忍見血，男耕女
絲固有時。牛車負戴爭虎穴，蠲賑歲看三輔徧。看字慘徧字尤慘徧
痛哭誰將荒徼說，皇天愛物豈擇地。諸老分憂况顯秩，夜
半酸風射短裘。月黑江深轉愁疾。

○刺舟行

用少陵負薪行韻

廣南人物矜奢華，綠珠容色傾天家。不知風俗始何代，刺
船柁婦偏愁嗟。終朝赤脚波心立，背上見從橐中入。白浪
層崖片槩飛，烹魚裹飯隨時給。惡踏嬌啼恒在頸，一身男
女劬勞並。此豈撥膚借徑者可同日語地昧暄涼耐袂衣，天教螺蚌生
枯井。平生不識粉脂痕，夜夜呼兒哺菜根。為問墜樓金谷
裏，何似辛苦長江村。

○嶺南喜晤曹秋嶽方伯

琳宮飛閣冬殘月，斜陽罷酒驪駒發。梅花臘盡海雲邊，恰
停萬里江門船。經歲風波恣離索，膠漆看顏豁飄泊。人言

命駕似嵇呂。天遣扁舟同李郭。雜坐蓬窗夜始半。青燈細
 語心零亂。番船雞人籌屢更。銀河欵色長天旦。是日星前
 錦席張。春風火樹打球場。清歌紅豆翻南國。軍城鼓罷仍
 笙簧。官齋玉淨圖書府。笑披臺牒多如雨。晝永名香伴鴈
 鶴。簾開瓊雪調鸚鵡。廣南珠壁愁凋枯。西園刻印金模糊。
 酒醞告身晝狼籍。高樓大市謹登弧。一飯生民淚如霰。
 至尊盱食明光殿。薄海弄兵皆赤子。窮荒幾日猶酣戰。季
 主行藏卜賈生。一歸身已私柴荆。輕帆落日五湖客。醉眠
 何處長安城。綉戶錦心更長漏。承冷暖只堪自知。長安城夾風雲高。車門軒
 蓋如牛毛。南箕北斗漫指日。九天鍛翮紛鸞刀。同時丹筆

舍元仗。重瞳造膝親嗟賞。脩蛾申詈起須臾。玉階芳草
 生塵網。孟博登車空賈禍。黃門錄牒懸鉤黨。天關誅蕩啟
 白日。主聖心能容倔彊。江海一麾交戟下。願指難承甘
 蹈藉。諸生幡正舉陽城。狂奴態尚輕侯霸。逡巡夾月君留
 邸。搖落窮冬吾報罷。一斥猶存去國名。群賢未謂工彈射。
 亡何驄馬蹶霜蹄。我曹失路偏連鷄。野沙急滾陰風入。高
 城阿殿驚雲泥。絮絮喃喃耿耿咽。不復知其是曲。茅檐炙冰晨不煖。凍禽
 未叫肩相齊。九重霆怒豈及夕。至今心骨寒訶詆。春水揚
 舩別津樹。舳稜回首飄烟霧。市虎讒纒雪拾麋。同文簿又
 沾厨。顧青眼全經楓陛曉。黃扉已返榆關戍。江天徒倚鶴

歸來攜手雲山非晚暮。即今海角挽君衣。銅柱功名志未
違。壯夫抽身計亦得不爾。強食還翻飛。

王崇簡 初集

○送章道存任儀真丞

昔我浪跡至真州。姜宰謂卿導我汪園遊。日月跳擲未十
載。江上不復識舊愁。子今登車佐斯邑。江民歡舞頌者戢。
庭前片片雲影閒。屋裏青山流光溼。我昔知子以岐黃采
芝種。木多竒方熱心救世託針餌。道義朗朗著肝腸。魑魅
晝見赤狐躍。冠裳慘烈遭竒虐。分崩骨肉不相顧。子恒涕
淚念流落。不意生還晤燕市。授衣推食情無已。歸來遇子

如有家周旋。旣及盤匱。

本有一首詩借送時吐出

吁嗟萬事欲言難。

相逢但願恒加餐。戈鋌未息身世窄。高懷落落隱一官子。

去恰逢五月時。江魚潑潑侑清卮。問予昔日維舟處。烟雨

蒲菰起鷺鷥。

○送王貞明歸金閫

長安四月亂啼鶯。有客縈思故國情。嬖姍坐我茅屋下。酒
闌意氣高崢嶸。憶昔寺人竊國柄。正人貞士多致命。斜封
半夜出國門。四海遑遑緹騎橫。吳門亦及周忠介。宣詔使
者強扭械。書生慟哭百姓憤。亂擊奸徒一時壞。借詩以存
亦選者爾時仗義偕我友。依稀記得王子首。興言及此君
意識諸

不語但呼青衣酌大斗與來爲我畫山水。垂簾燕市日移晷。鴻濛獨闢崖壑生。隱秀蒼雄具神理。我持此畫懸空堂。日夕如在高山傍。君歸自有真林壑。風塵笑我何徬徨。

○異井行爲張玉調賦

甲聲震地馳封豕。永寧城外沙塵紫。赫業巖城一旦摧。男奔女繫成屯否。張君壯猷勲最高。數破賊兵賊切齒。城破羣呼莫令逃。職非守土甘一死。烈烈英風付井泉。井水五尺翼之起。旁有毀坎適容身。主僕二人聊因倚。賊復執炬照井中。翻得火屑吞如旨。何事老媪臨井汲。挈僕遇賊指爲子。旋值義僕三兩人。掖之出井奔荒壘。火光示異若有

神脫身始走壘。遭燬

文紀此事尚難簡折。况東以韻簡而仍婉折而仍暢。

嗚呼此井

真有異君其再拜問井水

梁清標 廣集

○落日行

落日城頭畫角吹。羽林裹甲收南陲。點兵秣馬無停刻。令嚴霜雪生旌麾。師行糧從謀最急。况復諸軍并深入。

筋節分寸

幹旋甚多。長蛇當道瘴癘多。如雲飛輓何由集。司農仰屋空太

息路傍行人爭走匿。軍書旁午風雷同。縣官捧檄無人色。田夫閉門吏夜呼。逋稅敲扑無完膚。往時水旱苦穀貴。今年傾囊不能完。官租穀賤傷農古。所嘆鬻兒賣女死道塗。

題本述軍興釋騷六句但及征稅似缺似斷竟接兩君不見章法不測

君不見前年樓船下

閩海林林烟滅空廬在又不見伏波將軍度洞庭桑麻鷄犬無時寧百戰苦為封侯計萬家祁寒夜流涕

魏喬介 廣集

○贈大名趙香雪

昔年讀書城南鄉諸昆意氣競翱翔或登高屋倚青嶂或飲醇醪拭劍鏘時當盛夏困炎陽門前剝啄忽高涼天雄奇士竇與張突然諸昆起奇峰插天中有連城更輝煌握手定交許我狂十年蹭蹬青雲旁腹中奇字溢千箱檻虎鞞鷹豈尋常揭來燕市上疏章大庖封事堪低昂夜深過

我浮巨觥微言與義互稱量天子蒿目軫兵荒未有文

貞與杜房願君高躡白玉堂盧生次梗何敢望

○雲龍吟 思猶龍學士作也

昔有退之與東野欲為雲龍相追逐抒其不平之鳴吾友又見猶龍氏肝膽無猜共此生奈何落羽復分飛驚心雷雨之碎句西出井陘塞南走成臯道汾水悠悠無盡時黃河東下連滄島安得與子徘徊鉅鹿下讀史遷奇文之浩浩不然愛能傷人使我鬚髮皓白如雪而將老奇氣能渾沐浴于古

○哀流民

田廬水沒無乾處流民紛紛向南去豈意南州不敢留白

晝閉戶夜蹲踞簷前不許稍脚踟恐有逃人不我怨

李詩此

詩直各上見滄浪之天下顧黃口小兒命也如何婦語絮

絮逃人逃人兮爾獨何為背爾王使我罹此荼毒我將爾

詛我欲爾詛其口維坎路有杖杜縊者誰子烏為曉曉既

喙而翥說不出彼蒼者天哀此黎庶

傳維鱗掌雷靈壽人

○古窰行

陶人鑿空變古瓦玄黃闔色龍戰冶制器聖人知若斯手
把汗樽應淚灑白虹之氣天為通精貫黃流降純嘏千年
銅在磁不傳此物由來易崩播毋論前代何所用至今遺

恨同石馬翠白已隨九鼎散見之不哭意自若類唐自放更藏耿結

那惜黃金易古窰顛倒侮弄憑市價滿前羅列恣肉食抵

掌相矜稱大雅一肚皮不合時宜君不見火燔七日色不赭下和

之泣胡為者

○來謹

來耶來耶是耶非耶人耶鬼耶家已瘞汝識不差誰知汝

尚牽敵駟山高兵多地復賒安得全體來歸家家中需衣

方績麻家中需食炊茶葭急急起移前日瘞親切再看真

不識真中幻幻中真極寫亂離汝今來來且勿言有人如來驚汝魂

劉達洪瞻濬縣人

○五月十三日自宣還京夜坐見星變

少讀天官書未解辨星躔雙眸大如豆坐井欲觀天昔歲
有客談參井會逢其適謂偶然塞外長征失昏曉舉頭忽
見星月連昨日去月猶咫尺今日直與月翕闕野人見月
占二麥今年五月隴頭白邊人占星干戈動海內何時無
兵革各挾一見憶昨連歲攬搶明白登城下血狼藉七十
二城苦爭戰甘泉烽火徹禁掖于今事定刑賞平外度何
由見天謫按核人事不為象欺終知一介干象緯益州能識二使客
行行漸出虎豹關兩日三日旁生魄天門明月掛九霄使
我中情徒崩迫

董國祥福兄 隆平人

○畿南有以雄雞予民而課其卵者作課卵謔

翰音高張紅綬吐閭閻飼雞如飼虎凌晨鬼隸已敲門不
計雄雌况越魯村愚期期前致詞官怒吏急反遭笞忍痛
歸來不敢啼走循籬落私告雞呼祝祝道欵欵桑巔莫晨
鳴公堂計日算男孕女髭復幾時何獨雄鷄不抱卵查出 一部
典故真令 村愚咋舌

宋之繩續集

○野田行

野田水縱橫流青蒲細藻生前溝田水到溝溝不流下有

黃國祥 宋之繩 楊思聖

大澤溝盡頭。澤深廣幾千尺。烟波浩浩魚龍宅。白泉注此
可以滄。洞天風怒號。驚濤載催如驅萬馬。騰於大野。西流
流東。其逝如瀉。岷江之來萬里。必至于海。而此田。號號乎
去不相待。渾折可一句讀。天地氣接。雨施物滋。積而成流。洪纖等
斯。故知萬派各有極。此水何嘗與海期。

楊思聖 續集

送彭燕又旋里兼訊顧偉南

光熹之際。龍在野。人文往往歸。復社當時陳。徐最知名。君
也。犄角不相下。十數年間。歎沉淪。俊及厨。顧俱埃塵。短衣
破帽子。尚在流落。誰悲失志人。說天寶遺事不必自去歲
頭宮女方為下淚。

上策復不遇。憐才難買千金賦。狂歌日沽燕市醪。痛哭屢
弔昭王墓。愛我時時肯一過。酒闌擊劍客顏酡。人生感激
為知己。扞心寫意豈有他。送子七月涼風早。尊菜鱸魚秋
正好。到家為予問偉南。他日相逢漫草草。

雪樵子行

昂藏七尺雪樵子。浪跡金門饑欲死。十載栖遲守一官。不
堪重問少年事。少年意氣頗不群。共羨作賦凌青雲。縱橫
豈屑秦主父。指顧常輕霍冠軍。交遊盡是天下才。置酒論
文登高臺。屢欲將身獻明主。手拯蒼生何雄哉。物換星移
陵谷改。相看無復舊顏在。著書誓擬老吾廬。採藥頻期入

滄海高士名臣故非兩載。偶觸世網困風塵。敝裘羸馬走踈踈。自憐

不是公卿器。且復低頭隨衆人。懶慢從來不同調。強學磬

折何由肖婆婆。每使長官嗔。蹭蹬微聞僮僕笑。雞羣立鶴顧影自疑

以此感嘆獨閉門。蕭條謝客負朝暄。一歲苦吟詩一卷。眼

暗手皴雙鬢。君不見潯陽陶元亮。囊懸乞食猶無恙。罷

官彭澤乏酒錢。黃花滿把坐相向。又不見浣花卜居叟。亂

離衣衫露兩肘。朝移西瀼暮東屯。旅病年年艱。升斗歷觀

古來達人高士大抵皆如此。况我才疎已老醜。雪樵子爾

何癡。郭外有田床頭有醪。遠屋青山雲靉靄。當堦流水竹

離披。何如早歸去。耕爾田。啜爾醪。登山臨水讀書彈碁胡

爲汨沒名利場。魚魚鹿鹿下氣低眉。黃金不可聚。官高亦

是危。以窮以老安足悲。

○周藩故宮行

黃雲黯黯悲風起。萬捲洪濤咽河水。孤城半沒睥睨浸。傳

是當年王孫里。朱樓紺闕已成塵。萬戶千門生荆杞。熊羆

不復守故宮。民間往往拾金璽。白頭老吏雙泪垂。指點猶

能憶舊趾。最後有山鬱龍從。委蛇直與前殿通。問之知爲

古。良嶽崩頽石壁嵌。玲瓏草深磴道已無路。洞壑雨塌倒

亂蓬。意中目中錯互茫。兩朝繁華歸何處。滿眼山河感慨

中。我行至此欲安往。夕陽老樹搖春風。

魏象樞 廣集

○循吏歌與張開有

君不見人籍柔茅水歸壑慈惠不深俗易薄。又○不○見○羊○牽○
 則○卻○驅○則○行○峻○法○徒○滋○飲○食○爭。古○色○古○韻漢廷多少循良吏政
 教劃然得其平。張子開有本長者二十個儻三十雅。自從
 謁選入承明。堅樸渾如金在冶。相見曾云嚼菜根。俯首雪
 涕就我言。勿服庭訓矢清白。躊躇反慮辱師門。近日蒙恩
 殊不少。召入太和瞻天表。尾附諸臣賜宴歸。金盤玉盃
 香繚繞。異等忝廁分榮名。何以副之心忤忤。男兒學吏女
 學婦。得無一指臨蒼生。愧予昧昧難悉作吏。苦惟嘆今人

不○如○古○古○人○愛○身○今○愛○官○此○身○一○失○官○何○補。婆心太切。以要須聽者。

爾素性甘清貧。滿眼瘡痍繫爾身。我之榮辱得失天所主。
 安肯攫民媚他人。民乎民乎盡殘喘。頻年水旱多展轉。功
 令初嚴匿逃家。生怕吏人驚雞犬。棗壤况復接二東。邇來
 大盜飄忽勢難窮。鈴柝夜聞城市肅。狐鼠乘隙不敢訂。諺
 云賈人有牛庖人割。用剛用柔吾自掇。古○色○古○韻佇望循聲滿
 恒陽。傳中猶紀真衣鉢。嗟乎初志如山不可奪。

盧世漼 德州人

○為唐西亭題卷

西京逸士姑蘇客。寥亮肝腸如月白。骨董場中老作家。悠

悠忽忽長安陌每從賢聖問清渾平生密友是曷罇對罇
 喜唱江南曲檀板金間繞夢魂憐余落第不得志百遍相
 過情獨擊河橋爛漫酒家胡策蹇香山尋野醉紅漲桃花
 三月天因循潞水買吳船客中相倚難相別細雨殘陽意
 悄然君次平原當小任醉翁張仲與君素渠所寄園有古
 松誰沾沾念此亦蒙龍鳥語提壺度痛飲披襟又幾回爾
 時想值牡丹開青春作伴兼初夏久客還鄉亦快哉瀕行
 君特出斯紙我草數言只如此鄭重登臨聊以代勞歌布
 襪青鞋真軟美

張文光 續集

○吳門友人招飲聽嘉定陸子曲戲為長句

偶過小湖烟水頭草堂虛敞竹林幽二三千卷書橫榻七

十二峰月滿樓中有主人白鶴叟月下飲我梨花酒一艇

烟波杳靄間興來攜手崖上走虎丘忽遇陸子召一時技

藝稱絕妙直從音律見先民不獨聲名動年少動年少者

著眼撥絃指脆冰泉濺宛如剪斷明珠串善手輕圓滾滾

來萬花叢裏千鶯囀梁州伊州調未高變徵變羽徒自豪

近日吳趨浪自許試取宮商問汝曹元聲本自中原出黃

鍾還生十二律古之樂府雖不傳按曲尋聲猶未失前有

椒山今元朝作者尚填詞秦中有人王漢陂昂昂千里相

並駕後來北調安能追我愛吳興滅晉叔讀曲須調絲與
 肉流傳百種同一源復起前賢應折服陸郎用意何靜深
 樂府重翻無古今已能辨曲細於髮况有天然鸞鳳音聞
 所未聞能不喜別君三日音在耳急管繁絃豈終堪那知
 元氣留於此今人誰道不如古請看陸郎六宮譜此中節
 奏得中和可悟千秋詞曲祖大唐樂部聲氣開斷自開元
 以後數與酣筆到直探宿海明皇讓帝併知音妙選梨園二十五就
 中絕技亦無多念奴歌與花奴鼓可憐樂極旋生悲漁陽
 操逼霓裳舞治亂前知聲不爽茫茫造化誰為主醉夢渾
 疑曲未終春江一片桃花雨

裴希度

晉卿太原人

○土門懷古

海螺山下白鹿泉上有連珠古洞天繫馬石立砦東側彷彿將軍略趙年今人開山即鋪排故事不肯就將軍略趙
 何飄忽存亡死生功難沒破壁何須借五丁封豕奔出龍蛇窟全是寫土門膠柱鼓瑟一陳餘辜負權奇李左車當時興廢總由天我來弔古空歛歔土門廟貌祀英烈雲旗風號常開閉行空天馬巨靈來掣電轟雷不可遏不可遏鯨鯢噎功成拔幟真奇絕荒山日暮鬼神愁迄今尚滲青燐血千年赤社已成灰一望斜陽映綠苔離黍常山徒悵悵漢

家功業逐浮埃。君不見古今形管爛殘碣。烟雲石上磨不歇。一盃濁酒奠遺祠。浩氣英英光日月。

○金山行

潮聲一夜震江城。萬騎奔騰甲馬營。日射鯨鯢風怪息。寒
帷遙向金山行。蘭漿忽湧瓊珠濺。光閃菱花如掣電。青煙
隱起白鷺洲。千里長虹渾匹練。誰送噌吰無射臺。狂瀾一
柱水中開。金粟有靈環地軸。馮夷澎湃尚相脛。掀騰震掉
中更爾筆
歌墨攀援絕頂望鍾峴。吳晉英雄安在哉。風流唯有蘇學
士衣帶猶鎖碧雲堆。

范士楫

廣集

○邯鄲行

讀直督李公流民疏作

霜打黃河萬木燥。皇天淚眼邯鄲道。邯鄲道傍長百草根。
莖生死土相抱。吁嗟流民草不如。父牽子曳追蓬車。有獲
尚歸阡陌氏。無炊可守鼃鼃居。落日啼聲雜穉雨。破剝無
僧實我宇。行人衣單木皮厚。比與錯綜點出閉門閉糴皆殺汝。秋
夢迷離之樂郊。誰知一步故鄉遙。黃棘逐客客不怒。似言
地窄蒼浪高。羽旄翕輶制使來。青塵不動風悲哉。馬首雲
腥人氣惡。龐眉雪涕鬼吟哀。羽泪題書叫閭闔。深恐中途
字變血。此身難上監門圖。當時猶得相容納。隱括已完不費楮筆弱
水扶桑。亘廣輪勞勞。穗結况畿人。督亢亭邊杏花白。原隰

蒼○古○人○牛○新○慘而多○愁○老○子○聽○鴨○鵝○嵩攻○守○令○谷○永○法○紫
殿○何○人○發○白○罇○則○壤○中○那○偃○兵○甲○

○題○函

手○持○生○虎○非○中○庸○口○擊○死○虎○非○英○雄○桓伊聞清歌時蒸○虹○狂○颯○斷
蛟○鎖○惡○雪○懸○厓○撐○怪○松○世○事○旋○開○如○剝○笋○敢○云○天○眼○終○夢
夢○中○原○所○在○况○鐵○馬○入○山○不○已○寧○金○狨○

○譚子公鼎令大竹者二年未任也艱歸補粵西之懷

遠○惋○其○遇○贈○詩

大○竹○舊○令○吾○語○汝○七○尺○不○落○成○都○虎○二○年○守○土○爭○見○土○灌
木○埋○天○失○秋○雨○墨○貂○雪○打○棧○松○古○歸○家○白○髮○無○人○數○避○債

渾○思○天○上○任○黔○驢○馱○向○柳○州○去○尋常句調青○猥○點○點○官○舍

孤○楓○江○晴○遠○題○詩○處○看○汝○渾○身○皆○畫○理○單○為○梅○花○亦○萬○里

曾寫梅見餉

黃○澗續集

○隴○西○行

生○不○願○封○萬○戶○侯○單○衣○蹣○蹣○走○荒○丘○秦○家○初○置○隴○西○郡○斯
時○人○賤○如○蜉○蝣○當○有○三○老○人○共○唱○隴○西○曲○一○老○三○十○辭○官
謝○公○卿○道○逢○小○吏○不○敢○觸○東○海○美○潮○常○水○居○西○園○看○花○曾
秉○燭○一○老○家○有○黃○金○屋○豐○年○餘○美○玉○凶○年○多○朽○穀○一○朝○輕
出○門○遠○走○深○山○麓○二○老○少○年○使○氣○會○殺○人○蛟○斃○深○淵○兇○死

陸解刀把與採樵夫。日日山中煮黃獨。共拂石橋聽我歌。
 不倩管絃共絲竹。失記帝王世系誰都忘。寒食一百六。昨
 日彭城醢。今日韓王戮。不聞留侯鐵券新。但見丞相穿囚
 服。為語老人勿復唱隴西桃源。洞口有人哭。
地一層進一層
 地老天荒

許宸

菊谿
內鄉人

○商州行

入城滿眼皆殘瓦。不異蕭蕭在原野。日瘦風酸五月秋。子
 遺誰非忍死者。州守循例出相迎。各姓聊於敗楮寫相對。
 癯面嘆勞薪。欲言難出聲。如啞廿年燹。焰祇相仍。甫離糠
 市與人鮮。生憎翠嶽萬疊山。宛渠負險息猶假。黑蜈陽侯

更淫威。禾黍澆。漚泥沒。蹀老羸。蹒跚跪陳辭。但恐寇來請
 兵馬。災在水慮在兵如觀
 蕭索支吾應接不暇興朝 聖王重恤民。聞之雙淚
 直盈把。由來省事自寧人。瘡痍矢起將身捨。

○何柴山洛南人也。以青衿無良弄兵。山谷負險為固。
 覆軍殺將。流毒兩省。奉 旨會勦。莫能奏功。余蒞任。
 月餘。用間成禽。掃盡妖氛。六百里歡聲動地。爰賦俘
 何行

盡道商山行路難。潛狄吞聲棲鳥咽。濃烟晝晦燐夕騰。征
 馬躑躅悲鳴切。為訊掉粟之根。因共指猓偷此窟穴。山深
 羣盜殆如毛。惟有何孽稱毒譎。賦性從來獠獍同。克頑總

與人理絕。飾言改革。物候殊。蟻聚菁谷。恣竿揭。八年秦豫
 在摧殘。原野厭肉。川流血。子遺言。及卽膽寒。專閫日之。但
 腸裂。兩省匱財。兼喪師。諸道會軍。徒蹶躡。我來原為。莫殘
 疆安能。晷刻聽。蹂齧鳥道。既云鞠旅。艱團練。又愁驅市隍。
 爰行間法。擬古人以賊攻。賊用機。別忽操。忽縱使。自圖決。
 旬已報。渠魁繼。以歌行代露布。帶出機算。覺循吏傳。各將錄。難分兩書。繫頸堂前。稽
 厥頽。滿城歡呼。大讐雪。聖明御世。八風清。况復建牙多
 豪哲。人心不二。鬼神從。未煩兵甲。吾何拙。

○張我尚剡棹。凌險過存留。連月餘荒署。無可款承聊。

拈蕪句贈別

書來輒云至商顏。杖履經年未可攀。為君剪莽結茅屋。已
 負黃花與酒熟。六月衝炎亦快遊。不減山陰夜雪舟。聞之
 喜提如意舞。是誼真可高千古。寂然猿鳥此荒衙。秉燭談
 深如粲花。下榻柴門。酣野趣。別從淡水。洽心素。興來乘閒
 百戲為佳况。簇簇在酒碁。滄桑變後俗。儂薄相勉。朴厚返
 渾噩。屈指吾儕。劫外身相看。捐役眼中人。六句三轉。總是喜字。插中二
句。尤古地步。漫言大藥駐衰容。安能杯底常不空。以此感慨畏
 分襟。枯腸細搜不成吟。新秋丹浦宜舴艋。兩岸搖曳動山
 影。一官束縛何時歸。故園徒羨樹鷄肥。樹雞土產。菌屬。

趙進美續集

○拔劍行贈王子

玉郎拔劍歌仍哀。返照射壁西風來。漁陽草白鴻雁急。碣石倒立浮雲開。我昔三年識子面。十千沽酒百壺宴。飲罷猶嫌月易沉。時來豈悟身常賤。齊門鼓瑟術亦疎。荆綬零落食無魚。五陵少年垂兩綬。羅敷夫婿專城居。男兒富貴詎有種。寒夜牛衣虛自擁。負巷原無冠蓋過。抱關時聽傳呼寵。汲黯上殿稱積薪。楊雄識字工食貧。久宦自知減兒產。夜歸每愁逢吏嗔。古人失意孰可比。歲暮偃蹇風塵裏。羸馬難過卿相門。敝裘常被市兒指。妻妻械械不作激昂用壯語方知拔劍製題蘊藉 鹽車鳴驥聲空悲。鵠飛摩天肯傍誰。大樹豈樂匠宏遠。

石顧鸚鵡反致鴟鳥疑。昭王臺館今安在。乾桑夕雨東連海。黃金兀突雖難遇。紅顏夙昔未曾改。長白山色高映天。山半往往聞流泉。丈夫一飽亦易致。何不歸種南臯田。嚴霜昨夜下庭柳。遶籬採菊尚盈手。萬事悠悠復何有。與子相見姑飲酒。

○芻豆行

大○船○十○丈○如○連○屋○小○船○數○尺○走○相○逐○白○浪○十○月○高○于○山○大○船○小○船○浪○中○宿○漁○船○最○小○如○鳧○輕○漁○婦○赤○脚○牽○纜○行○破○蓆○作○帆○不○得○掛○持○篙○逆○浪○鷄○未○鳴○不即入芻豆排鷄鳴喔喔霜在鬚。五船載豆十載芻。借問何往軍前須。西走湘江南。

走湖荒村瓦飛船尾轉水氣昏濛日易晚蛟龍欲與戰士爭羽書詎責風伯緩憶昔年豐歌納稼青芻之微豈論價自從烽火傳江邊城中鬻女村鬻田陸行負戴水舟楫一東近欲值千錢吁嗟遺民經亂少安栖卑雜魚鼈高孤復見逃亡餘敗堵苦陳敲朴無完肌昨聞軍書夜深至朱批白版數行字空城人稀鴉鵲啼郡吏無言顧縣吏高秀難攀

徐波 初集

○悼白叔胡山人

吳中布衣號能詩三十年間白叔氏前有湯因後有君志士成名皆崛起當時沈野亦知名五言妥貼動公卿城中

富室憐風雅分羨繼粟恒豐盈白毫徐子稱孤僻延譽後

生爲已力君時弱冠困風塵指說將來能弄筆耆宿喜述往事并井

有序黃口不惟不知亦從此詩篇在人口珠玉無脛亦善

走落帆駐馬日喧喧輒問胡君無恙否京兆憐才煞鹵莽

止愛吹笙披鶴氅寄托雖佳主不文別館栖栖悲參養閩

社相招待入群石倉觀察最知聞言鳥不離鸚鵡伴乾魚

曾薦武夷君雙眸役使菁華竭黯黯觀書巖電沒霧裏看

花久不堪句中有眼猶能活薄俗衰年所向窮出門不異

在家中數錢嘖嘖惟聞鼠裹藥陳陳并化蟲東偏瓦屋鱗

鱗者說着恩門淚盈把攫拏無力效饑鷹芻秣未能收老

馬○虞○山○宗○伯○厚○無○加○許○叙○遺○文○備○一○家○既○着○贈○衣○歸○地○下○
 又○傳○佳○句○到○天○涯○以○前○數○子○先○朝○露○文○字○寥○寥○不○比○數○
一映眷戀傍 不○如○君○暗○中○摸○索○得○虞○山○身○後○詩○名○悉○委○付○
往注情無限

趙賓 錦帆 陽武人

○王山長畫石歌

王○君○畫○石○何○奇○怪○嵐○溼○烟○飛○帶○沆○瀣○高○卧○聊○當○五○嶽○遊○長○
 饑○不○向○三○公○賣○興○來○詩○賦○擊○壺○歌○腹○內○經○書○仰○面○曬○落○籜○
 泥○塗○混○衆○人○鄉○里○小○兒○論○成○敗○出○門○徒○步○無○驢○騎○到○處○典○
 衣○償○酒○債○先為畫石 張設門面 昨○日○相○遇○燕○市○裏○風○標○穆○穆○無○機○械○
 今○辰○剝○啄○贈○斯○圖○靈○壁○洞○庭○堪○下○拜○萬○壑○秋○聲○起○蘇○垣○一○

天○涼○氣○吹○官○廨○曩○訪○宜○城○同○舍○郎○見○君○新○句○滿○東○牆○雷○霆○
 白○日○蛟○龍○走○雨○雪○空○山○魑○魅○藏○繼為画石 點染藻采 幾○度○公○車○艱○淡○
 墨○十○年○生○事○剩○青○箱○卽○今○欲○折○柴○桑○腰○百○里○豈○堪○騰○且○驤○
 肥○馬○輕○裘○矜○氣○勢○高○牙○大○纛○笑○文○章○低○垂○寂○寞○休○嗔○惱○丈○
 夫○黑○頭○身○未○老○君○不○見○杜○陵○詩○客○古○今○豪○長○鏡○短○衣○同○谷○
 道○終為畫石 位置局段

○送魏環溪省觀

今○上○三○年○三○月○中○繡○鞵○絲○勒○踏○春○風○折○腰○我○走○甘○泉○道○起○
 草○君○游○左○掖○東○掖○門○日○照○仙○人○掌○御○柳○苑○花○恣○幽○賞○騷○雅○
 人○傳○金○馬○篇○封○事○秩○晉○黃○門○長○我○移○粉○署○老○西○曹○經○歲○緇○

塵染鬢毛青眼頻勞走尺一。高開畫閣煇香醪。半醉欹歔
 携我手。詩壇酒社復何有。交人不肯近時流。已直須與
 古偶肥馬輕裘遊俠兒。相逢閉目緘其口。省觀却寫及生
 平。孝之本源。正
 扼上。杜門日下董生帷。關閩濂洛不離手。一函蹠上九重
 書。嘗藥寧親夢起居。帝曰高堂汝有母。忍教終日倚門
 閭。鳳池染翰傳新命。雁陣排空返舊廬。山背漫停狄相馬
 秋風不為季鷹魚。去去驅車莫繾綣。璽書西下即相見。

朱裴

小晉
聞喜人

○禱河伯

流黃一决不復回。萬夫千堤築土坏。築得河堰方千里。漲

漲東流又盡灰。百姓聞道點河差。雙雙啼哭乞骨骸。骨骸
 得葬魚腹裏。勝似身在土底埋。河伯河伯不安瀨。煩我農
 人供浪汎浪汎。一去隨夫逐婦女。空自溼衣衫。黃河不返
 漕。水淺黃河一返。桑田卷利害關鍵。二語簡盡。大禹何術歸故流。萬
 載千年河洛衍。于今壩埽又聞冲。相率亞旅哭龍宮。憐我
 田疇暫息浪。莫使勞人嗟歲終。未審河伯愛巫賈。未審河
 伯愛壁馬。皇王也有琬琰投。休教匹夫耕田寡。中土十年
 苦遭兵。煢煢赤子野尸橫。哀鴻幾處息殘喘。雨雪霏霏赴
 水城。君不見工興。用木復用土。工興民旁午。流不盡民心
 苦。河。流。决。東。復。决。西。河。决。民。凄。凄。築。不。盡。萬。里。堤。河。伯。河

伯再勿爲灾。官民其有休哉。

李焮

關山人

○擬休洗紅

休洗紅。洗多紅。欲泣顏色幾何時。棄作水中汁。蚤知君王不自由。三字怨極悔開金鎖檢石榴。

○古鼎行

象功以鼎流傳古。上自禹湯周文武。先朝法物舊浮麗。無人知是文之祖。句重銖兩無差較量平。絲文疊嵌黃金縷。斑駁空翠點桃花。波浪繡赭迷紋黼。一片晴雲曳絳霄。沉沉四面含風雨。光色外別有摩挲第一賞鑒家唯我入眼便神驚。光怪射

人日停午。响嶮深填綠字碑。龜龍錯落蟻螭。自憐博物謝張華。簿書塵埋久。惟魯逗我文心。千萬年直如身與義皇伍。品題未了贈幽人。但得其意非商賈。斬盡從來葛藤

聶源

天一宣府人

○送魏環溪病後入都

君不見謝安不出困蒼生。又不見李綱復入成朝廷。自古有名繫國望。君胡自緩金門行。劍履嚴程大火下。等閒不敢維君馬。一樽送別城東門。屹看前旌辭綠野。敬君之誠。善寫環溪心事。行行此去上封章。夜永天清秋正長。延英自合虛前席。太平知不費商量。見得所蓄者裕。青青柳不堪折。兩人最苦

今離別。長安咫尺不可期。思君惟有夢相隨。

馮世鞏

諸城人

○錢塘驛聞閩省圍解

海上不過一鱗介。遂使薄伐出險隘。旛鼓浮櫓動江津。邸閣。檠具窮輓。派一隅之變。剗數州。騷驛相連。同凋瘵。江潮財賦擅東南。吳越蕭條咽喉隘。樓船將軍欲報捷。莽林因與潢池接。峭壁跼跼回飛鳥。拜弓不得申睚眦。王化之阻厥有由。熊耳甲馬尚未收。明珠翡翠沈鯨尾。武夷荆棘哭鶴鷖。聞道督統昇炎行。蠻瘴初開灘水平。平安火起飛大羽。解嚴已入三山城。城樓堅壁向月餘。野炬頽天彌望墟。

烏龍江路未半舍。維其喙矣尚釜魚。誕敢窺伺譁且訐。諸公毋懈。徂成功。不倭功而述痛。不頌近而誌遠。蓋臣心騷人舌。蔓草宜圖脅可宥。左餐右粥歸宇宙。洗濯平民還造化。軍聲鵝鴨呼華夏。嗟乎反側亦吾人。亂後天雞聽三赦。

許纘曾

鶴沙華亭人

○金陵行

江流揚子日潺湲。六代煙雲一望間。凌霄絕壁梁朝寺。隔岸羣峰楚國山。北府新軍雄鐵甕。西州舊路泣羊曇。是處旌。邸第靈和楊柳含風細。赤烏碑板炳丹青。白馬金鷓鷯行。蔣陵松畔貌貅衛。自徙漁陽。

擴 城秋祠官俎豆供原廟世秩勳名盛

子 度花飄邀 次相看月下景陽樓以上駢整中帶散句效有逸氣

貫 蓬萊海淺知何日重向臨春傳警蹕大業巢危鶴羽輕

永熙苑廢蛙鳴疾不見桓彝凜義聲爭聞江總叅機密長

千金鼓接天來尚醉新亭更舉杯倒戈倉猝迷爽葉飛鳥

妻其咽鳳臺惟有臘脂陳氏井年年寂寞鎖蒼苔他人援古鋪詞

不知何時始了簡勁不支悲感渾足由其筆淨氣峭

扶輪新集第五卷終

